



## KOMITETI PËR KOMUNITETE

Kuvendi Komunal-Junik

Nr. 02/09/22

Datë: 21. 12. 2022, ora 11<sup>00</sup>

---

### PROCESVERBAL

Mbi Mbledhjen Nëntë të Rregullt të Komitetit për Komunitete, mbajtur me datën 21 Dhjetor 2022, në orën 11<sup>00</sup>, në lokalet e Kuvendit Komunal në Junik.

Të pranishëm në këtë mbledhje ishin anëtarët e këtij Komiteti si në vijim:

1. Zejnepe Gaxherri - kryesuese, përfaqësuese (LDK),
2. Zenel Maloku - përfaqësues (AAK),
3. Eliza Pepshi - përfaqësuese (LVV),
4. Valdrin Isufaj - përfaqësues (Komuniteti i Biznesit), dhe
5. Safete Shehu - përfaqësuese (OJQ Qershiza).

Mbledhjen e Nëntë të Rregullt të Komitetit për Komunitete e kryesoj znjsh. Zejnepe Gaxherri, ndërsa prezantoi dhe kërkoi miratimin e Rendit të Ditës, si në vijim:

1. Shqyrtimi dhe miratimi i procesverbalit nga mbledhja e fundit,
2. Diskutim rreth temës kundër dhunës në familje, dhe
3. Të ndryshme.

Rendi i Ditës u shqyrtua dhe u miratua nga anëtarët e Komitetit për Komunitete.

## **Pika e Parë e Rendit të Ditës**

### **Shqyrtimi dhe miratimi i procesverbalit nga mbledhja e kaluar**

Kryesuesja kërkoj shqyrtimin dhe miratimin e procesverbalit, i cili shqyrtua dhe u miratua nga të gjithë anëtarët e Komitetit për Komunitete.

## **Pika e Dytë e Rendit të Ditës**

### **Diskutim rreth temës kundër dhunës në familje**

Për raportim rreth kësaj pike të Rendit të Ditës fjalën e mori znj. Safete Shehu e cila tha, ne si OJQ, kemi pasur aktivitete të ndryshme për dhunën në familje. Kemi pasur edhe një aktivitet me organizatën “Human”, e cila merret edhe me antikorrupsionin dhe ligjëron nëpër shkolla në Kosovë.

Propozimi im për dhunë në familje është që kjo të mësohet si lëndë mësimore në shkolla, sepse dhuna në familje është mjaftë e theksuar.

Është mirë që edhe Komuna të përkrah shoqërinë civile për zhvillimin e aktiviteteve të ndryshme, siç është fillimisht vetëdijesimi i fëmijëve, sepse ka dhunë edhe tek fëmijët edhe kur kjo shkaktohet nga ana e prindërve të tyre. Dhunë ka edhe te të gjitha shtresat e shoqërisë. Pra, kërkohet vetëdijesim i të gjitha këtyre shtresave në përgjithësi.

Anëtarët e Komitetit për Komunitete u pajtuan me vlerësimin e znj. Safete Shehu, ndërsa kërkuan nga institucionet që kjo çështje të merret seriozisht, dhe të krijohen kushte për viktimat e dhunës në familje, siç janë; mbrojtja, strehimi, kujdesi, sistemimi, e të tjera.

Në vazhdim znj. Safete Shehu, theksoj së Komuna asnjëherë nuk ka ndarë buxhet për aktivitetet e Shoqërisë Civile, ndërsa kërkoj që kjo të bëhet në të ardhmen.

Z. Zenel Maloku tha, për këtë duhet të bëhet kërkesë dhe të paraqiten projektet e Shoqërisë Civile, pastaj kjo duhet të përmbushet nga Komuna, pra të sigurohen fonde nga Komuna.

## **Pika e Tretë e Rendit të Ditës**

### **Të ndryshme**

Z. Zenel Malokut, ne kemi kërkuar rregullimin Qendrës së Junikut, si dhe largimin apo ç ‘vendosjen e Postës së Kosovës nga Qendra e Junikut, mirëpo këto nuk kanë ndodhur, kjo për shkak të shpronësimeve të cilat duhet të kompensohen. Pra, për të gjitha këto bëhen me vendim të Kuvendit, dhe sipas ligjeve në fuqi në bazë të çmimeve të tregut.

Znj. Safete Shehu tha, është problem largimi i bizneseve apo lokaleve afariste nga Qendra e Junikut, sepse disa nga to janë të vetmet të ardhura të këtyre pronarëve.

Z. Zenel Maloku tha, bizneset dhe secili duhet të ndërtoj objektet e tyre në pronën e tyre, por nëse është interesi i Komunës apo shtetit atëherë ato shpronësohen dhe kompensohen nga Komuna, përkatësisht shteti.

Znj. Safete Shehu tha, unë kam edhe një pyetje tjetër, që është se kur do të bëhet furnizimi me ujë të pijes në lagjen “Agim Ramadani”?

Z. Zenel Maloku tha, një kërkesë e tillë është bërë që 12 vite, por kjo asnjëherë nuk është kryer. Punimet kanë filluar por nuk kanë shkuar ashtu siç duhet, kanë shkuar në bazë të interesave personale të disave, dhe pastaj kanë ndryshuar çmimet dhe kjo është ndërprerë nga operatori. Por siç duket punimet kanë filluar prapë dhe kanë arritur deri të kyçja e gypave të ujit, ndërkohë kam dëgjuar që janë duke u bërë dy kroje, një në lagjen e poshtme dhe tjetra në lagjen e epërme. Pra, kjo derisa të bëhet zgjidhja përfundimtare për furnizimin e gjithë lagjes “Agim Ramadani”.

Z. Valdrin Isufaj tha se deputetët në Asamble duhet të kushtëzohen me votë, dhe poashtu të kushtëzohet edhe miratimi i buxhetit për realizimin këtij projekti.

Me kaq, kryesuesja znjsh. Zejnepe Gaxherri e shpalli të mbyllur mbledhjen e sotshme të Komitetit për Komunitete.

Procesmbajtësi,

---

Gëzim Geci

Kryesuesja e Komitetit për Komunitete,

---

Zejnepe Gaxherri